



NANGUNGUNANG LINGGUHANG MAGASING PANTAHANAN SA BANSA

# IWAYWAY

Enero 21, 2019

**TULA**  
**PAG-UWI**

NI MAY MORALES-DOLIS

**NOBELA**  
**HIGIT NA MATIBAY**

NI ARMANDO T. JAVIER

**KUWENTO NG LINGGO**  
**SULYAP**

NI EDEN PEDRAJAS CONCEPCION

MANILA  
BULLETIN  
PUBLISHERS



P25

**Angel**  
**LOCSIN**



Larawang mula sa Google

## MASAMA BANG MAGING MAKULIT?

Ni FERNANDO B. SANCHEZ

**H**ATI ang pananaw ng mga tao tungkol sa pagiging makulit. May mga naaasar sa nangungulit sa kanila. Nainis o nagagalit sa puntong kung maaari lang ay tahiin ang bibig o sasapakin ang nangungulit sa kanila. Ang iba nama'y nangingiti na lamang, nagkikibit-balikat at hinahayaan na lang na kulitin siya ng ibang tao. Pasasana ba't titigil din ang nangungulit sa paniniwalang magsasawa rin ito at ang pinakamabisang paraan upang labanan ito'y ang di pagpansin o *pandi-awadma* sa kanya.

Karamihan sa mga makukulit ay makasarili o iyong tipong ang lahat ng kanyang naisin ay puwede niyang makamtan. Ito'y nagpapakita rin ng "extreme superiority" kung saan ang gusto'y idinadaan sa pangungulit, 'pagkat sa tingin niya, bibigay rin ang taong kinukulit!

Sa isang banda, mainam din naman ang pangungulit kung minsan. Bakit? Ipinakikita ng kinaaukulan ang pagiging *persistent* o matiyaga, isang katangian na dapat taglayin ng naglalayong magtagumpay sa kanyang mithiin. Batid niya na may mga tao ring gustong kulitin muna bago ibigay ang hinihingi ng iba. Sila iyong tipong bibigay rin sa pangungulit sa huli. Sabi nga ng kasabihan, "Kung may tiyaga, may nilaga." Di ba't aplikado ito sa lahat ng bagay, sa lahat ng larangang kasama na ang pag-ibig? May mga babae kasi na ang sukatan ng pagtagumpay niya ng iniluluhog na pag-ibig ng lalaki'y sa pagpapakita nito ng tiyaga at pagkamatiisin. Sa lalaki naman, ayaw tumigil, ayaw paawat sa pangungulit hanggang sa ipagkaalob ng babae ang kanyang matamis na "oo" o pagsang-

ayon. Kung minsan ay dahil sa ayaw na niyang makulit pa! Lalo't mahal din niya ang nangungulit na lalaki!

Sa totoo lang, may gandang ibubunga rin ang pagiging makulit. Ito'y masasalamín sa karanasan ng isang taong nangungulit mula sa pagkukuwento at pangangaral ng Panginoong Jesus na matatagpuan sa Lucas 11:5-8. "Ipalagay nating isang hating gabi," panimula ng Maestro, "isa sa inyo'y nagpunta sa isa nangyong kaibigan at nakiusap, 'Kaibigan, bigyan mo muna ako ng tatlong tinapay. Dumating kasi ang isa kong kaibigan naglalakbay at wala akong malibain sa kanya.' At ganito naman ang sagot ng kaibigan mong nasa loob ng bahay, 'Huwag mo na akong gambalain! Nakatarangka na ang pinto at nakahiga na kami ng akong mga anak. Hindi na ako makakabangon para bigyan ka ng iyong kailangan.' Sinasabi ko sa inyo, hindi man bumangon dahil sa kanilang pagiging magkaibigan, babangon siya upang ibigay ang hinihingi ng kaibigan dahil sa pagpupumilit (o pangungulit) nito sa kanya."

Ang pangungulit, sa kabuuan, ay iyong paulit-ulit na paghingi ng isang pabor na nagbubunga ng kambal na reaksiyon. Ngunit kung busilak at matuwid ang ating motibo't layunin, di malayong matutugunan din tayo sa kalaunan—ayon sa ating hinihingi o hinihiling. Sabi pa ni Jesus: "Kaya't sinasabi ko sa inyo, humingi kayo at kayo ay bibigyan, humanap kayo at kayo'y makakatagpo, kumatok kayo at kayo'y pagbubuksan." (Lucas 11:9) Ito'y di mapapasubaliang batas ng kalikasan at ng buhay, di ba? 📖

## Ang koneksiyon ng masidhing debosyon sa Sto. Nino at pakikipagkapwa

Ni LILIA BORLONGAN-ALVAREZ

**H**INDI maikakailang mainit at masidhi ang debosyon ng mga Pilipino sa Sto. Nino. Ang mga deboto'y naglalaan ng oras para mag-organisa ng makukulay na pagdiriwang ng Kanyang kapistahan na rito lamang sa Pilipinas ginagawa (ngunit may busbas ng Simbahan).

Maraming deboto ang nagsasabing maraming himala ang naganap na sa kanilang buhay, halimbawa, ang paggaling ng isang mahal sa buhay sa isang malubhang sakit, o ang pagbabalikan ng mag-asawang matagal nang hiwalay. Ang iba nama'y nagsasabing kahit hindi ibinibigay ng Sto. Nino ang kanilang mga kahilingan, tila gumaan ang kanilang pakiramdam - na parang naiibsan ang araw-araw nilang pakikipagtunggali sa harap ng buhay.

Ngunit hindi rito naglatapos ang ating pananampalataya at debosyon sa Sto. Nino. Dapat ding makita ito sa araw-araw nating buhay. Tunghayan ang sitwasyong ito:

May tumawag sa telepono sa bahay ng mga Santoses isang umaga - araw ng Linggo. Ang nakasagot ay ang padre de pamilya. Iyon pala'y *arong number*? Alam ba ninyo ang sagot niya sa kabilang linya? "Huwag mo akong abalihin sa mga *arong number* mo, ha! Nagmamadali kaming pumunta sa simbahan!" Saka niya ibinagsak ang telepono!

Ang pangyayaring ito'y nagpapakita lamang ng isang bagay: na ang pananampalataya pala ng isang tao'y maaring walang kinalaman sa kanyang buhay bilang Kristiyano. Na maaaring maging marubdob na deboto ng Sto. Nino pero maaaring wala siyang paggalang sa dignidad o karapatan ng iba. Maaaring taun-tao'y punong-abala siya sa

mga pagdiriwang ng pista sa karangalan ng Sto. Nino, ngunit maaaring wala siyang pakialam sa mga pulubing nanlimos sa labas ng kanyang bahay.

Ang hinihingi sana ng pagkakataon kung saan may nagtanong sa telepono ay magpakita ng paggalang o

kabutihan. Ngunit hindi natin nakita ito sa inisyal ng lalaki! At ginawa niya ito sa oras na magsisimba siya kasama ang kanyang pamilya!

Ang ilan pang halimbawa'y makikita sa mga pulitiko sa may higit sa dalawang kabit, sa mga kandidato sa eleksiyon na bumibili ng boto (at mga botanteng handang ipagbili ang kanilang boto), mga empleyado sa opisina na pinagtitsismisan o pinagkakaisahin ang isang bagong empleyado, mga boss na ang alam lamang ay mag-utos nang mag-utos (ngunit hindi handang marumihan ang kanilang mga kamay), mga maykaya sa buhay na hindi marunong mahabag sa kalagayan ng kanilang kasambahay, at mga artistang nagpapakita ng agwat ng mayayama't mahihirap dahil panay ang *posting* nila sa Facebook at Twitter tungkol sa kanilang mga bagong bahay at *condo*, o mga pagbabakasyon nila sa ibang bansa!

Ang kaya ang sasabihin ni Sto. Nino sa ganitong kawalan ng koneksiyon ng pananampalataya at asal bilang Kristiyano? Palagay ko'y matagal nang lumuluha ang Sto.



Mula sa Google

Nino!

Ang ikatutuwang Sto. Nino ay sa kabila ng mga krisis, paghihirap at pagsubok sa buhay, maalab pa rin ang pananampalataya at debosyon sa kanya habang ipinakikita nila ang pag-ibig at kabutihan sa kapwa. 📖

# Angel Locsin, bigatin ang bagong TV series na *The General's Daughter*

NI MARICRIS VALDEZ-NICASIO

**N**Gayon pa lang ay marami na ang nag-aabang ng bagong TV series na *The General's Daughter* ng ABS-CBN. *Definitely* ay bigatin ang bagong teleseryeng ito ng Kapamilya Network. Bukod kasi sa laki ng scope nito, *star-studded* ang bagong TV series na pagbibidahan ni Angel Locsin.

Ito ay isang *action-drama* series na mula sa Dreamscape Entertainment. Tampok din dito sina Albert Martinez, Paulo Avelino, JC de Vera, Arjo Atayde, Tirso Cruz III, Eula Valdez, Janice de Belen, Ryzza Cenon, Ms. Maricel Soriano, at marami pang iba, sa pamamahala ni Direk Emmanuel 'Manny' Palo.

Ang *The General's Daughter* ang *full-length* *combedic* sa *prime-time* TV ni Angel pagkalipas ng halos limang taon. Ang huling teleserye niya sa Dos ay noong 2014 pa via *The Legal Wife* na tinampukan nila nina Jericho Rosales at Maja Salvador. Bale, *guest star* na maiputuring ang paglabas ni Angel sa *La Luna Sangre* na pinagbibidahan naman nina Kathryn Bernardo at Daniel Padilla.

Dito ay gaganap si Angel bilang *nuyembro* ng *army nurse corps*. Kaya bukod sa *expected* na madadramang tagpo at eksena, sasabak din dito sa aksiyon ang Kapamilya aktres.

Binabansagan na rin ngayon si Angel bilang *Queen of Action-Drama Series* dahil sa mga ginawa niyang TV series na Mulawin, Darna, Majika, Lobo, Imortal, at ang pinakahuli nga ay ang *La Luna Sangre*.

Bilang paghahanda sa seriyeng ito, sumailalim sa *musaning training* si Angel.

Nabanggit ng aktres na *hanggang* ngayon ay patuloy pa rin ang *pagte-therapy* niya, tatlong taon mula nang nagkaroon siya ng *spinal injury*.

Pahayag ni Angel, "They're very careful sa mga ginagawa, naka-assist naman. After naman din ng ilang procedure, medyo okay naman ako. Ingat-ingat na lang din talaga. Hindi na po puwede na gaya ng dati, na ganoon kalikot. Ngayon, after ng mga eksena, ice pack, kasi may mga *fight scenes* din kami."

Idinagdag pa ng aktres na *on-going* pa rin naman ang kanyang *therapy*, para ihanda ang katawan niya sa bawat *taping*. Kung alam daw niyang may mabigat na *fight scene* siyang gagawin, gabi pa lang ay nagpapa-PT (physical therapy) na siya para makapaghanda at maiwasang magproblema.

Aminado siyang dahil sa kanyang *spinal injury* ay hindi na siya tulad ng dati na nagagawa ang mga mahihirap at delikadong *stunts* or *action scenes*. Plus, man maingat siya sa bawat ginagawa ngayon, lalo na raw sa mga delikadong eksena.

Pero so far, nakunan na ang ilang maaksiyong eksena nila sa serve, at wala namang naging problema sa aktres.

Umaasa si Angel na walang magiging problema, partikular sa kanyang *health conditions* dahil bukod sa *double* ang ingat nila, inaalayay din siya nang husto ng *production*.

Nabanggit din niya na parang mas *genre* niya ang aksiyon talaga, kaya sa pagbabalik niya sa pagbabak sa aksiyon ay *excited* daw siya.

"Kabiti na noong nasa kabilang station pa ako, parang mas *genre* ko ang *action* talaga. Kaya ngayong ibinabalik, bumabalik... kaya I'm very excited," sambit pa ni Angel.

Binisita rin daw niya ang *set* ng kanilang *taping* sa Daet, Camarines Norte na mas nauuna sa mga kasama niya, bilang bahagi na rin ng kanyang paghahanda.

Walang kaso kay Angel kabiti sampung oras ang biyahe patungo sa kanilang *set*, dahil *enjoy* raw siya sa *road trips* kaysa mag-eroplano.

Sa isang panayam pa ng aktres, nabanggit niya ang propesyonalismo ng Diamond Star dahil *first taping day* pa lang ni Angel ay si Maricel agad ang nakaeksena niya.

Ayon kay Angel, "Sobrang kabado ako kasi si Ms. Maricel, alas-siyete ang *call time*, alas-kuwatro pa lang, nangangatok na siya sa mga kuwerto. Ganoon siya ka-professional. Dumarating siya ng naka-*body make-up* na. Doon kasi, mahirap iyong *note* niya. Ang puti-puti pa niya, so, kaillangan pa niyang magpa-dark. And on time siya palagi, she's very professional. Ang galing niya and wala pa ring kapas and she's very supportive."



## Janah Zaplan, wish na mas gumanda ang kanyang showbiz career sa 2019

NI NONIE V. NICASIO

**M**ASAYA ang *newbie recording artist* na Janah Zaplan sa nangyari sa kanyang *showbiz career* sa nagtapos na taon. *Actually*, bago namaalam ang 2018 ay may humabol pang *blazing* kay Janah, nang makopo niya ang Best New Female Artist sa nagdaang Aliw Awards 2018.

Ang naturing *event* ay ginanap sa Manila Hotel last December 13.

Siyempre pa, sobrang *happy* ang tinaguriang Millennial Pop Princess sa pagkapanalo niya.

Sa kanyang *acceptance speech* ay pinasalamat niya ang Ivory Music, na siyang *producer* ng dalawa niyang *single*, ang *Di Ko Na Kwat* at *Mahal Na Kita*.

Hindi rin nakalimutang pasalamat ni Janah ang lahat ng mga tagahagaga niya at lalong-lalo na ang kanyang Daddy Boyet at Mommy Dencie.

*Proud na proud* kay Janah ang kanyang mga magulang sa pagkapanalo niya. Si Daddy Boyet ay nag-post pa sa Facebook account nito na hindi ito makatulog dahil sa sobrang kaligayahan nang bagong nanalo ang anak.

Sa kanyang Facebook *account* ay nag-post din si Janah kinabukasan ng mensahe para muling magpasalamat sa lahat ng *sumusuporta* at nagmamahal sa kanya, lalong-lalo na sa Poong Maykapal.

Thank you Janah Charmers, Janah Lovers and Janaholics for the love and support.

To our Almighty Father, I'm nothing without you, thank you for loving me endlessly and for being at my side.

This is definitely a night that I will remember for the rest of my life.

### Higit Na Matibay

(Mula sa pahina 13)

kampante si Ronron. Kung wala na silang mapagkawayuhan sa bahay, magyayayang umistambay sa Freedom Park. Matao ron kung hapon na, palibhasa'y mahangin. Ipagpapaalam siya, siyempre pa, kay Aling Maring, at kung putnayag, angkas niya sa scooter, lumalapat ang gulong sa bigat ni Ronron.

Nagkukulitan sila, tawa nang tawa habang nakaupo sa isa sa mga bangkong bato sa Freedom Park, nang matanaw nila ang pagpapok na motorsiklong iyong *big bike*, astig sa porma, maangas ang ingay ng lambuso. At nang mag-alis ng *helmet* ang rider, nakilala ni Jonna ang kanya ni Georgia.

Ano nga ang pangalan nito? Ambet. Oo nga, Ambet, Ingrinuso rin sa kanya ni Ronron ang malaki't mapornang motorsiklo, alam ang hilig niya.

"Lisyoobin natin. Tena."  
Turmaysiya siya sa kinauupuan, kasunod niya si Ronron. Ngumiti si Ambet nang makitang papalapit siya, namukhaan din siya.

"Oy!"  
Nahubad na nito ang suot na *helmet*, ibinukas naman ang pagkakisaper ng jacket habang patingin-tingin sa hawak na *cellphone*.

Sa halip na sumagot, muling inusyoso ni Jonna ang



Larawang kuha ni Wilson Fernandez

Hindi raw siya nag-*expert* na manalo dahil mabihigat ang *nomines*.

Wika ni Janah, "Siyempre po gulat na gulat ako na akala ko joke lang lahat... pero iyon po pala ay totoo talaga ang lahat nang nangyayari. Katulad nga po ng sinabi ko sa stage, akala ko na-Colombia ako hahaha! Pero hindi, 'yun na po pala talaga 'yun,' masayang saad pa patungkol sa nangyari sa Miss Universe 2015 nang nagkamali si Steve Harvey sa pag-*announce* ng *winner* na imbes Miss Philippines na si Pia Wurtzbach ay si Miss Colombia ang nasabi niya.

Ano ang *wish* niyang mangyari for 2019? "Well po for 2019, ang gusto ko lang po muna mangyari is maayos ko po 'yung sarili ko in terms of my talents and itisura, then I would wish to be part of the *showbiz industry* na po at makapag-perform kasama ang mga *artists and actors*," sambit pa ni Janah.

malaking motor, hinimas na muli ang makintab na tangke, sinipat ang makintab ding mga rim. Nakatingin lang si Ronron, tita siya ang nahihiya sa ginagawa ni Jonna.

"Dito ka ba nag-istambay?" sabi ni Ambet.

"Minsan. Si Ronron nga pala, tropa ko..."

Nginitian ni Ronron si Ambet. Muling tiningnan ni Ambet ang *cellphone*, napaisamid.

"Dito ka lang ba nakatira?" tanong uli sa kanya.

"Sa Panamitan..."

Napatungo-tango, palapat-lapat sa kanya ang tingin at sa kalsada. Maya-maya, may narinig silang malalakas at matutunog na ingay ng tambuso. Tatlo pang motorsiklo na malalaking katulad ng motorsiklo ni Ambet ang pumasok sa Freedom Park, tumigil malapit sa kanila.

"Sori, pare, natinip ka yata?"

"Hindi naman," sabi ni Ambet. "Ano? Tayo na?"

Nagsuot uli ng *helmet* at isinipat ang *rocket*.

"Sige, Jonna, alis na kami. Pupunta kami sa Ternate."

Bumisina pa sa kanya bago lumabas sa Freedom Park kasama ng kanyang tropa.

"Sino naman 'yon?' tanong ni Ronron.

"Anak na'ng me-ari ng talyer sa Centennial."

"Hitanangon pa kung sa'na umuwi, ha? Muk'ang

interesado sa 'yo..."

"Magtigil ka nga!" sabi ni Jonna.

(ITUTULOY)